

FRANKENIA.

CALYX tubulosus, persistens, quinquepartitus. Petala quinque, unguiculata. Stylus unus. Stigmata duo aut tria. Capsula supera, unilocularis, trivalvis, polysperma.

FRANKENIA CORYMBOSA. Tab. 93.

FRANKENIA fruticosa; foliis linearibus, pulverulentis, margine reflexis; floribus corymbosis.

Alsine maritima hispanica fruticosa, foliis quasi vermiculatis. *T. Inst.* 244.

— *Vail. Herb.*

FRUTEX 2—3 decimetr., ramosissimus. Caulis teres, nodosus, procumbens aut erectus. Folia F. lævis Lin., perennantia, numerosa, opposita, linearia, internodiis longiora, margine subtus reflexa, pulverulenta. Fasciculi foliorum axillares. Flores corymbosi, terminales, conferti. Calyx foliolis tribus aut quatuor laxiusculis basi cinctus, persistens, gracilis, pentagonus, erectus, 4—7 millimetr. longus, profunde quinquepartitus; laciniis linearibus, rigidis, in tubum conniventibus. Corolla pentapetala. Ungues angusti, lineares, longitudine calycis. Limbus obovatus, subcrenatus, roseus. Stamina 6. Filamenta receptaculo inserta, approximata, subæqualia. Antheræ parvæ, subrotundæ, didymæ. Stylus filiformis. Stigmata 3. Capsula oblonga, acuta, supera, unilocularis, trivalvis, polysperma. Semina minima, fusca, affixa funiculis e parte media valvularum longitudinaliter erumpentibus.

HABITAT ad maris littora prope Arzeau. 5

FRANKENIA PULVERULENTA.

FRANKENIA foliis obovatis, retusis, subtus pulveratis. Lin. Spec. 474. — Lamarck. Illustr. t. 262. f. 3.

Alsine maritima supina, foliis Chamæsyces. T. Inst. 244. — Schaw. Spec. n. 23.

Anthyllis valentina. Clus. Hist. 2. p. 186. Ic. — Lob. Ic. 421.

Anthyllis maritima Chamæsyce similis. C. B. Pin. 282.

Anthyllis species quibusdam. J. B. Hist. 3. p. 373. Ic.

Franca maritima quadrifolia annua supina Chamæsyces folio et facie, flore ex albo purpurascente. Mich. Gen. 23.

A. Franca maritima quadrifolia annua purpurea supina Chamæsyces folio et facie. Zan. Hist. 115. t. 79. — Mich. Gen. 23.

CAULES plures herbacei, filiformes, dichotomi, prostrati, 11—16 centimetr. longi, ex eodem cæspite in orbem prodeuntes. Folia parva, opposita, obovata, integerrima, brevissime petiolata, punctis pulverulentis conspersa. Flores in dichotomia solitarii, sessiles, axillares et terminales.

HABITAT in arenis prope Kerwan. ☉

FRANKENIA THYMIFOLIA.

FRANKENIA fruticosa, erecta, ramosissima; foliis cinereis, linearibus, confertis, brevissimis; floribus axillaribus.

Polygonum fruticosum supinum ericoides cineritium Thymi folio hispanicum. Barrel. t. 714.

FRUTEX 8—16 centimetr., erectus, ramosissimus. Rami conferti, nodosi. Cortex trunci rimosus. Folia opposita, rigidula, cinerea, a basi ad apicem sensim attenuata, obtusiuscula, 2 millimetr. longa, semiteretia, angusta, margine subtus reflexa, in junioribus ramis confertissima et quasi imbricata. Flores axillares, sessiles. Calyx oblongus, tenuis, pentagonus, quinquepartitus, persistens. Corollam nec capsulam observavi.

HABITAT in arenis deserti. 5

FRANKENIA LÆVIS.

FRANKENIA foliis linearibus, basi ciliatis. *Lin. Spec. 473. Exclus. Barrel. Syn.*

— *Lamarck. Illustr. t. 262. f. 1.*

Franca maritima supina saxatilis glauca ericoides sempervirens, flore purpureo. *Mich. Gen. 23. t. 22. f. 1.*

Alsine maritima supina, foliis quasi vermiculatis. *T. Inst. 244.*

Polygonum maritimum minus, foliolis Serpilli. C. B. Pin. 281.

Polygonum alterum pusillo vermiculato Serpilli folio. Lob. Ic. 422. — Adv. 180. Ic. — Ger. Hist. 567. Ic.

Erica supina maritima anglica. Park. Theat. 1680. Ic.

Cali seu Vermiculari marinæ non dissimilis planta. *J. B. Hist. 3. p. 703. Ic.*

Erica supina maritima anglica. Rai. Synops. 314.

Franca, etc. *Guettard. Acad. 1742. p. 244. t. 9.*

CAULES herbacei, ramosissimi, filiformes, prostrati vel procumbentes. Folia opposita, lineari-filiformia, margine subtus reflexa. Flores axillares, solitarii, sessiles et terminales. Stamina exserta.

HABITAT ad maris littora. 7

FRANKENIA HIRSUTA.

FRANKENIA caulibus hirsutis; floribus fasciculatis, terminalibus. *Lin. Spec. 473. — Lamarck. Illustr. t. 262. f. 2.*

Alsine cretica maritima supina, caule hirsuto, foliis quasi vermiculatis, flore candido. *T. Cor. 45.*

Polygonum creticum Thymi folio. C. B. Prodr. 131.

Franca maritima supina multiflora candida, caulibus hirsutis, foliis quasi vermiculatis. *Mich. Gen. 23. t. 22. f. 2.*

CAULES herbacei, procumbentes, hirsuti, ramosi, sæpe dichotomi, 11—22 centimetr. longi. Folia opposita, linearia, obtusa, patentia, margine subtus reflexa. Flores in dichotomia sessiles, solitarii; alii in glomerulos congesti, terminales. Calyx persistens. Corolla pallide rosea aut alba.

HABITAT ad maris littora. *¶*